



朝鮮群書大系續第二十二輯

東國李相國集上

朝鮮古書刊行會

大正二年八月十三日印刷  
大正二年八月十七日發行

會員預約費一冊金參圓  
會員外一冊賣價四圓

朝鮮京城旭町二丁目六十八番地

朝鮮古書刊行會代表者  
編輯兼發行者

釋尾春枏

朝鮮京城明治町三丁目日韓印刷株式會社內

印刷者 金崎 金平

朝鮮京城旭町二丁目朝鮮雜誌社

發行所 朝鮮古書刊行會

電話一千二百五十番  
振替口座京城一三二番

朝鮮京城明治町三丁目

印刷所 日韓印刷株式會社

朝鮮京城本町二丁目

預約並發賣取次店 日韓書房

東京神田表神保町

預約並發賣取次店 同文館

# 東國李相國集上

## 東國李相國文集序

公姓李諱奎報字春卿始名仁氏夢奎星報異瑞因改之九歲能屬文時號奇童稍長經史百家佛書道秩無不遍閱一覽輒記爲詩文略不蹈古人畦徑以詩捷稱王公大人聞其能邀致之請賦難狀之物令每句唱強韻若古若律走筆立成風檣陣馬不足況其速也方未冠時有吳先生世才者世所謂名儒平生小許可人一見奇之許以忘年人或非之曰先生長於李三十餘年矣何媿此頑孺子使之驕耶先生曰非爾輩所知也此子非常人後必遠到矣少放曠自號爲白雲居士酣飲賦詩爲事人不以經濟待之無何名振海外獨步三韓翱翔玉堂出入鳳池王言帝誥高文大冊皆出一手不十年位至台鼎則吳之知人信矣何一吳先生知公遠到而衆莫之知也當公之擁金紫立朝端珠瞳雪髭輝映人物左右皆指之曰人中龍其奇資偉望不類於常者如此自作相來屹立爲正直大臣人無間言者然則公之初不自檢束特謔浪翫世耳晚年嗜讀洗心經窮大衍之數古之人云通天地曰儒公之謂歟於丁酉歲固乞退以金紫光祿大夫守太保門下侍郎平章事修文殿大學士監修國史判禮部

翰林院事太子大保致仕雖家居外國交聘徵誥文字皆委之以是眷遇不衰每受俸多少與現官宰輔相等其平生所著不蓄一紙嗣子監察御史涵收拾萬分之一得古賦古律詩牋表碑銘雜文并若干首請爲文集公可其請分爲四十一卷號曰東國李相國文集涵又請曰集已成矣不可無序於是公乃命予予固不才亦諸子之伍莫敢以冠首爲讓公命益勤姑序一二辛丑八月日入內侍朝散大夫尙書禮部侍郎直寶文閣太子文學李需序

# 東國李相國文集年譜序

嗣子涵既撰家公前後文集因據公之手草家狀又成年譜涵觀古人文集年譜各於年中備詳所著本末端由以相叅考大抵古人詩集未必皆著所述年月矣未知據何本而載之之詳耶今家公文集其不標年月者亦多故不得各隨年載一一標之但存十之一二耳然公之著作雖一年一月寧有所闕者耶

戊子

公生於是年十二月十六日癸卯諱奎報字春卿黃驪縣人也考諱允綏官至戶部郎中母金氏金壤郡人考諱仲權後改施政中古名儒也擢高第官至蔚珍縣尉公始生三月惡瘡滿身衆藥不理嚴君憤之詣松岳祠宇擲筊卜生死曰生問藥理與否曰勿藥理自是不復傅藥皮皆爛未辨面目乳媪常以白麵鋪兩臂然後抱持之一日乳媪抱出門外有一老父過曰此兒千金之子何棄之如此宜善護養乳媪走白嚴君君疑其神人使人追之以路有三歧遣三人追之皆不見而還始諱仁氏己酉歲將赴司馬試夢有人類村氓皆着緇布衣群飲堂上者旁人曰此二十八宿也公驚悚再拜問今年試席捷否有一人指一人曰彼奎星乃知之公卽就問未及聞其言而寤恨未終其夢俄復夢其人來報曰子必占狀元勿慮

也。此天機。但莫洩耳。因改今名。赴試果中第一。

己丑

庚寅

辛卯

是年。嚴君出倅成州。隨之任。

壬辰

癸巳

甲午

是年。嚴君以內侍被召。隨至京師。

乙未

丙申

丁酉

戊戌

公年十一

是年。叔父直門下省李富。誇於省郎曰。吾猶子年可若干。能屬文。召試之。可乎。諸郎欣然使迎之。命為聯句。時方受外郡貢紙。以紙字占之。公應聲唱曰。紙路長行毛學士。諸郎手書之。又令為對。即曰。孟心常在魏先生。郎

皆嘆伏。號奇童。慰勉遣之。

己亥 大定九年

庚子 大定十年

辛丑 大定十一年

是年。始籍文憲公徒誠明齋肄業。每夏課。先達輩會諸生刻燭占韻賦詩。

名曰急作。公連中榜頭。諸儒始奇之。

壬寅 大定十二年

公年十五

是年六月。又於夏課急作。適有齋中拜翰林者。以內直玉堂為題占韻。公

詩曰。獨直偏知殿閣涼。金蓮花燭炤華堂。露凝仙掌驚秋冷。月透紗窓信

夜長。七寶床前宮漏永。九華帳裡御爐香。詞頭草罷銀河曙。喜見高天瑞

日光。先達咸淳等皆嘆賞不已。升為第一。一等唯置公。示其異也。此詩少時所作

癸卯 大定十三年

公年十六

春。嚴君出守水州。公留赴司馬試不捷。秋之水州觀省。

甲辰 大定十四年

公年十七

乙巳 大定十五年

公年十八

春自水州至。遂赴司馬試不捷。秋還。

丙午 大定十六年 公年十九

春。嚴君見代。隨至京師。

丁未 大定十七年 公年二十

是年春。又赴司馬試不捷。公自四五年來。使酒放曠。不自檢。唯以風月爲

事。略不習科舉之文。故連赴試不中。

戊申 大定十八年 公年二十一

己酉 大定十九年 公年二十二

是年春。舉司馬試中第一。以十韻詩賦之。其題先王制軒冕著貴賤不求

美。公破題云。太古無軒冕。誰分貴賤流。制之然後著。美也不曾求。又一句

云。始造聞黃帝。徒行豈孔丘。座主柳公。嘆賞不已。遂擢第一。

庚戌 大定二十年 公年二十三

六月。赴禮部試擢第同進士。公嫌其科劣欲辭之。以嚴君切責。且無舊例

不得辭。因大醉謂賀客等曰。予科第雖下。豈不是三四度陶鑄門生者乎。

坐客掩口竊笑。公既不事科舉之文。其作賦荒蕪不合格律。又試圍內。奉

命承宣朴純。與座主受宣醞次。召公飲以一觥。即大醉。亂書欲裂棄之。傍

座孫得之。奪而呈之。其詩題戴君若鼇冠靈山。公詩第四句云。壯似支三

聳憂無釣六逃。第五句云。奉天呈屹屹。負岳出滔滔。知貢舉李諱知命。愛此句遂不擯之。

辛亥

大昌二年

公年二十四

秋八月。丁父憂。寓居天磨山。自稱白雲居士。作天磨山詩。失之不錄前集。後追覓之。載後集初卷首句云。世人但取山崔巍。乃以天磨而號之者是也。後常遊此山作詩。若北山雜題重遊北山者是也。

壬子

明昌三年

公年二十五

是年。著白雲居士語錄及傳。自叙己之行止。

癸丑

明昌四年

公年二十六

是年。作百韻詩。呈張侍郎自牧。張公厚遇。每謁常置酒與飲。四月。得舊三國史。見東明王事奇之。作古詩以紀其異。

甲寅

明昌五年

公年二十七

是年。作論潮水書。呈吳東閣世文。作天寶詠史詩四十三首。皆挾註。又作理小園記。

乙卯

明昌六年

公年二十八

是年。著和吳東閣三百韻詩。

丙辰

明昌七年

公年二十九

四月京師亂。姊夫南流黃驪。五月公携姊氏往焉。是年春母家後壻出守尙州。六月自黃驪赴尙州觀省。得寒熱病數月不愈。至十月方還。詩集中有南遊詩無慮九十餘首。是黃驪尙州所著也。

丁巳

承安二年

公年三十

冬十二月日。冢宰趙永仁任相國。濡崔相國詵。崔相國讜。聯名上筍子薦公。請補外寄。以備將來文翰之任。上遂允可。掌奏承宣某。以嘗有微憾。至是奪筍子不付天曹。佯稱忽失。冢宰亦以筍子不付為解。便不調之。詩集有上趙令公詩云。昔見銀盃嘗羽化。今聞筍子忽登仙。士林莫不嘆之。又作上趙大尉書。追訴其由。

戊午

承安三年

公年三十一

己未

承安四年

公年三十二

五月知奏事相公宅。後為晉康公千葉榴花盛開。召賓客賞之。因致詩人李仁老咸淳李湛之及公賦之。後一日偶謂左右曰。聞文儒四相國薦某不遂。又有奪筍子者。因曰。文人相嫉如此。於是始有用公之意。夏六月頒政。補全州牧司錄兼掌書記。秋九月赴全州。是年所著無慮古律十五六首。

庚申

承安五年

公年三十三

是年所著無慮三十餘首。冬十二月被廢發全州。初公之理州也。通判郎

將某貪且偃肆。公不屈。因公事屢激怒之。通判不勝其憤。又欲自專。遂搆貝錦之詞。行次廣州。適值守歲。妻兄晉公度爲書記。迎到其居守歲。贈詩一首。其首句云。偶霑微祿官江南是已。

辛酉

承安六年

公年三十四

春正月。至自廣州。夏四月。至竹州。迎母至京師。先是娣塔自黃驪補竹州監務。姊與母之其任居焉。是年四月。母求還京師。公迎侍而至。有遊竹州萬善寺詩是也。五月。作四輪亭記。六月。作南行記及自竹州昇母赴長安詩是也。

壬戌

泰和二年

公年三十五

夏五月。丁母憂。冬十二月。東京叛。與雲門山賊黨舉兵。朝廷出三軍征之。軍幕逼散官及第等。充修製員。歷三人。皆以計避不就。至公慨然曰。予雖懦怯。亦國民也。避國難非夫也。遂從軍。於是幕府欣然。奏爲兵馬錄事兼修製。蓋暢其情也。是月行次清州。作幕中書懷古詩十八韻。呈同營諸公。又次尙州。作觀金上人草書古詩十五韻。

癸亥

泰和三年

公年三十六

公在東京軍幕二月。作上都統副使書。論葬戰亡人事。作古律詩無慮十餘首。

甲子泰和四年 公年三十七

三月。兵馬凱還。公隨至京師。詩集有獵罷論功誰第一。至今不記指縱人。軍士多受賞。公獨未叅。故不能無情。有是作。

乙丑泰和五年 公年三十八

是年。作上崔相國詵書求官。

丙寅泰和六年 公年三十九

丁卯泰和七年 公年四十

冬十二月。權補直翰林院。公既陸沉。杜門不出。然每歲史館翰院國學等。儒官薦人。常以公為首。又左右多有揄揚者。晋康侯重違衆志。有用之意。嫌其無因。時方構茅亭。命李仁老李元老李允甫及公作記。仍使儒官宰相四者科。公為第一。獨上板釘壁。至十二月。補是官。作初入翰林詩二首。又作止止軒記。

戊辰泰和八年 公年四十一

夏六月。翰林除權即真。

己巳泰和九年 公年四十二

庚午泰和十二年 公年四十三



辛未  
大年

公年四十四

公年四十五

正月除千牛衛錄事叅軍事。六月有翰林兼官闕員。不待頒政。除兼直翰林院。仍本官。作再入玉堂詩二首。

癸酉

崇慶二年

公年四十六

十二月晉康侯嗣子相國。大設夜宴。召搢紳貴介赴座。公獨以八品微官。蒙召預焉。及夜半。相國謂曰。聞君走筆。未之見也。今日試之何如。因使李仁老唱韻。多至四十餘韻。以燭爲題。命名妓研墨。及成。相國大嗟賞不已。明日將其詩詣府白於侯。請召試其能。侯初不肯之。再三白之。然後召之。及到。相國曰。此子不飲則不得如意。卽命捷步者。往其宅取酒來。未及到。侯已置酒觴之。相國又曰。此子醒醉得中。然後可也。乃討盞飲之。至醺。乃率詣侯前。侯前有筆匣。筆有十餘事。相國親擇善者授之。時庭中有孔雀遊戲。侯以其雀爲題。使琴相國唱韻。多至四十餘韻。筆不容一瞬。侯嘆息至垂涕。及欲退。侯曰。子若望官。卽言所志。公曰。吾今八品。除七品則足矣。相國屢目之。意欲令直望叅官。其日相國還第。召讓曰。子之望官何劣也。何不以叅官爲望耶。公曰。予志也。及十二月頒政。越七品除司宰丞。

甲戌

貞祐二年

公年四十七

乙亥

貞祐三年

公年四十八

夏六月。公作詩求叅職階梯。晉康侯將其詩出示其府典籤宋恂曰。此子志高者也。應不以階梯為望。權屈而言之耳。若奏上直除叅官。則想其志謂何也。恂曰。然則其喜不可言。亦眾望也。及下批為右正言知制誥。七月。作初拜正言詩。十月。作朝享大廟頌。

丙子

貞祐四年

公年四十九

丁丑

貞祐五年

公年五十

春二月。除右司諫知制誥。賜紫金魚袋。是年秋。以公事停。公作上晉康侯書。

戊寅

貞祐六年

公年五十一

春正月。遷左司諫。餘如故。

己卯

貞祐七年

公年五十二

春。公被劾免官。前年十二月日。外方八關賀表。有不及進呈者。公欲彈之。琴相國固止之。至是月。晉康侯考其由。即劾相國及公。相國見原。而公獨免官。四月。出為桂陽都護府副使。兵馬鈐轄。五月。赴桂陽。

庚辰

貞祐八年

公年五十三

夏六月。以試禮部郎中起居注知制誥見召。七月。至自桂陽。前年九月。晉康侯薨。嗣子相國代秉政權。故有是命。十二月。遷試太僕少卿。仍起居注。作謝表。

辛巳

貞祐九年

公年五十四

夏六月。除寶文閣待制知制誥。作讓謝表。

壬午

貞祐十年

公年五十三

夏六月。太僕少卿卽眞。

癸未

貞祐十一年

公年五十六

冬十二月。除朝散大夫試將作監仍待制。

甲午

公年五十七

夏六月。將作監卽眞。冬十二月。爲明年司馬試座主。作讓謝表。十二月。拜朝議大夫試國子祭酒翰林侍講學士仍知制誥。作讓謝表。

乙酉

公年五十八

春二月。閱司馬試詩賦。得李惟信等一十六人。晉詩得安謙一等五十人。明經得康得希等三人。奏御放榜。冬十二月。拜左諫議大夫。餘仍舊。作讓謝表。是年。作王輪寺丈六靈驗記。又受勅作太倉泥庫上樑文。

丙戌

公年五十九

冬十二月祭酒卽眞。

丁亥

公年六十

戊子

公年六十一

春正月除中散大夫判衛尉事餘仍。夏五月以同知貢舉閱春場得李敦等三十一人。明經得鞠受圭等四人。奏御放榜。

己丑

公年六十二

庚寅

公年六十三

冬十一月二十一日長流于狷島。是年八關會侍宴次。事有戾於舊例者。是樞密車公所使也。知御史臺事王猷怒叱執事者不從。車公誤以王猷訶宰相愬之。時公及宋左丞恂夾座。故疑其助揚之。皆流于遠島。是日出宿青郊驛。十二月至保安縣。留待順風。二十六日入狷島。

辛卯

公年六十四

春正月十五日量移桑梓黃驪縣。二十二日行次竹州。寓宿萬善寺。公會於辛酉歲。客遊此寺。和板上諸公詩落句云。好在青山色。休官欲重尋。今落職重來。是幾於詩讖也。復和二詩云。秋七月自黃驪至京師。九月仍備胡兵。以白衣守保定門。詩集有猶勝炎州嵐瘴地。折腰甘向海村民是也。公在散官。凡達旦通和書表文牒。皆委之。